



0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28



浙江圖書館



浙江圖書館



浙江圖書館



浙江圖書館

皇明名臣琬琰錄卷之二十

按察司副使張公傳

衛季洪傳

春菴彭先生傳

慎菴彭公墓表

按察司副使辛公墓表

按察司副使周公墓誌銘

按察使陶公墓誌銘

按察司副使白君墓表

瑯琊王世貞續編

方孝儒

葉盛

李賢

何喬新

聶大年

葉盛



浙江圖書



陳君直夫墓誌銘

李東陽

按察司副使張公墓誌銘

程敏政

定菴曹公傳

錢福

蓮峯韓先生墓碑

按察司副使張公墓誌銘

張邦奇

按察司副使毛公傳

楊守陳

按察司副使朱公墓表

吳寬

按察司副使李公墓碑

李情傳

睦榑

劉公行狀

李東陽

浙江圖書館

按察司副使劉公墓誌銘

李東陽

東山黃公易齋阡表

林俊

按察司副使朱公墓誌銘

按察司副使補齋丁公傳

林俊

按察司副使王公墓誌銘

毛澄

按察司副使陳公墓誌銘

王鏊

按察司副使唐公墓誌銘

徐縉

按察司副使邢君配李氏合葬墓誌銘

羅玘



浙江圖書館

山東葑處提刑按察司副使浦江張公傳

天台方孝孺撰



張孟兼者名丁金華之蒲江人也孟兼為人侃侃自許涉  
獵書史頗有俊才為鄉里所稱會天子詔徵才能士郡縣  
以孟兼名上擢國子學錄禮部主事遷太常司孟兼固負  
自能為文常奴視同輩而是時誠意伯劉基以文章有重  
名與翰林學士宋先生俱為天下所尊信基氣豪不肯妄  
下人而獨喜稱孟兼常為上言今天下文章士第一為翰  
林學士宋漁臣基次之不敢辭又其次則有張生兼孟其  
餘臣不知也孟兼為基所稱愈自高然他人弗服也或稍

慢之孟兼輒怒嘗以文示其鄉人視之無言寘袖中日俟  
夜熟復之今弗悉也孟兼陽為好言曰湏剛修之可也退  
則大怒其鄉人發其所短揚言於衆罵之且詆其文曰彼  
猶蠻夷山谷中縱為人衣前懸而後曳左侈而右歛視國  
工所製何敢望哉其鄉人自文不與較既而孟兼以謫輸  
作鄉人不及言及以赦出復官乃賀孟兼怒罵若見人失  
官則棄背不一視及復官乃更謬為卑讓賀我若真細人  
吾何以禮為倨坐不起迎送其傲睨好面訐人皆如此人  
以是不附之每為宋先生言先生曷不於上前薦我先生  
亦才孟兼欲薦之未有逕會上欲用越僧證問先生嘗見

證文否誰所有且索之以觀時證為書與孟兼論性命先生因言太常丞張孟兼所有之詔先生召孟兼以證文至上覽畢顧孟兼謂先生曰張丞鄉門人也先生對曰非臣門人乃臣里中子耳且為文有才甚誠意伯劉基稱之上數視孟兼曰生骨相薄仕宦徐徐進乃可耳母驟也未幾除孟兼為山西按察司僉事孟兼廉勁疾惡抵司糾擿奸猾無所貸株連徒黨相援引每一事株流數十吏民見張僉事出行部皆凜然墮膽如畏鬼神聲聞朝廷升副使移山東而山布政使吳印乃鍾山主僧上親選拜官妻用金帛寵之甚厚印以見知人主自尊重禮節少簡孟兼自負

其能無敵且印新用又僧也易之印候孟兼由中門入孟  
兼以為印雖位大然我風憲司不當由我中門召守卒答  
之月朔望入學謁孔子畢令諸生執經講說孟兼故以語  
侵譏印印不平時初刊大明寶鈔印不令使兵民更自至  
庫買錢民以而孟兼謂此詔印擅行之是違制也騎馬入  
布政司譴箠僚吏問罪且言將上封事言于朝其僚吏皆  
大懾勸印即上封事言孟兼見陵侮然孟兼封事終不上  
也上覽印言以為孟兼凌我任用臣不遜治笞之孟兼既  
辱愈憤即補為書封事者欲罪以論印復上書言狀請去  
位避孟兼之否者且為所擠上大怒曰彼乃敢與我抗耶

吾今乃與爾抗遂械孟兼至闕下廷誥之命衛士捽髮摘  
挈垂死特論棄市詔印曰吾除爾害矣善為之初孟兼遷  
副使山東自陳父老大夫為之請假上許之孟兼歸至家  
縣令丞皆門謁奉酒牲為禮孟兼坐受其拜不答麾酒鄉  
之鄉人皆勸其少遜讓如以下人孟兼不聽及于敗或憐  
之或快之以為宜然孟兼中突無儉賊之心祇以尚氣好  
高人以故為人所陷才能者人所欲得也苟無謙遜以奉  
之而挾以驕人其為身害奚怪哉孟兼之才使能克已下  
人雖不幸未必死而欲尊大其勢而眇畧它人謬矣法雖  
其底于此酷厥有自哉

浙江



浙江圖書館

春菴彭先生傳

葉盛

先生彭氏名勗字祖期別號春菴宋御史中丞思永十二世孫也系出唐安定王後吉州刺史旰始居廬陵山口六世祖司農少卿少英從文天祥起兵勤王始遷今永豐故今為永豐人曾祖貴德以書經試不偶乃業醫濟人家有種德堂蓋期待子孫所以試也祖景忠父叔敏先生生有異質七歲日記數百言嘗從鄉父老入佛寺獨不拜寺僧強之不從反叱之曰彼佛裸跣不衣冠我何拜為人大奇之父聞私語之曰尔能力學以繼前聞人乎即應聲曰吾能之於是遣從里儒魯以南游大通四書理經之音年廿

六登永樂乙未進士第念親老乞教職就養得南雄府教  
授在官凡得一美衣食必先奉親諸生化服其為教以經  
書熟讀講解為先作文次之每選諸生之尤者聚一室同  
飲食躬為訓導至終其任不替造就甚多雲南鄉試聘為  
考官驛舟抵廣界南有稱臨安府生求見贄以黃金先生  
笑卻之三日復尾其後因怒叱左右擒其人不得既至方  
鎮諸公禮待甚厚凡場屋事一推先生言是聽乃知黔國  
公晟都帥昂二公以考官多私是科則各使人嘗之獨先  
生嚴不可犯故爾九載赴吏部以急闕仍除建寧教授績  
效如南雄有宗道者以醫画為權要所嬖因中傷官民人

諂事之按察副使王增刷卷未卧疾道中許一女孫飲人家而寘轎於生員游亨門身歸怒毆其轎夫許銜之即以游氏父子魘魅入誣且以其居近童五郎祠為証增入其言遂至亨父叔七人重罪俱就繫其平民囚神而下獄者四百餘家且以增素敬先生恐直其并謔先生不見得一日官吏聚揖增言茲事不枉人畏其威皆曰然先生獨立而言游氏非巫者五郎非邪神初捐地築城人也事載郡誌大人勿信謔衆駭愕而退少選召送志書入乃大愧悔盡釋無辜增亦卒正統元年以少傅楊公士奇薦召拜監察御史提督南畿儒學師道卓然教條畢立寬嚴得體一

時東南士風翕然振起未

三甲魁選悉出先生至今

論南畿提學必以先生為第一嘗辯嘉定縣民朱行等三人非其殺人建平縣民陳良二陳文二等十五人非強衆服其明教官有持身不謹者即就黜揚州安慶知府不稱皆劾罷之又幾九年以內艱去起復授考功郎中先是司府州縣及雜職考滿當黜涉者雖公罪但經納贖亦從私罪降用不報為私過者有罰先生謂此不合公罪不降律巡檢倉庫稅務河泊等官犯笞杖罪者不論其功績即於原授資級降庶不違定制而前官文過譁然相攻以行之年久即為例不宜遽更部堂為大閱洪武永樂中已行

卷牘一如先生言諱者始服至於吏胥歷役多弊言者方  
多法以繩之得罪者相繼先生謂法出奸生若不為定規  
易守將攬撓不已乃自入奏 詔可之俾部堂議條例進  
考功之為一清獨趙侍郎者頗怙勢自用與先生不合嘗  
面以言誘之先生應之曰勗所知守成憲以合公論耳若  
徇時干位非素志也遂奏先生學行雖優踈於吏牘宜調  
郡為不報已而竟用闕補山東按察副使士論不能平王  
文端公雖極知重先生而亦莫能主也未幾有己巳之變  
廷議以先生可用敕簡練兵軍壯固守城池督造軍器送  
京營於是不憚出入之勞雖荒崖絕島必親歷以伸寬宣

澤為已任屢抗攘外安能內外之疏直言不隱如是者又  
四年以老疾自陳不職巡撫者再為之奏始得歸時景泰  
癸酉年僅六十四先生正學直道確然自守壯老一致不  
為流俗所惑南雄學後舊有小祠肖一女子中坐母稱之  
云靈甚學官弟子恒設祭先生初至家人磨暴卒有為之  
私禱遂安明日先生令積薪祠前躬寘火焚之後屢見光  
怪有勸復之者拒不納怪亦尋息嘗奏言釋氏云凡人  
生平所為之惡皆可脩齋而懺脫道經有云不忠君王不孝  
父母姦私邪淫之罪亦可誦經而即滅夫人之為惡則不  
天罰幽有鬼神而曰齋醮豈理也哉且脩齋起於梁武設

醮起於林靈素固非盛世可傳之典誠世之大害宜斬除  
之及毀去天下不係叢林寺院俾給僧人度牒勤令年僧  
尼還俗禁止勅立菴寺脩齋設醮庶治道可復所至奉以  
名教為事若建寧胡文定蔡九峰真西山輩勅尊賢堂秩  
祀之它如漢五更桓榮大司農朱邑吳將周瑜宋范文正  
公胡安定歐陽公朱文公游定夫元高郵守李齊等墳祠  
皆為脩建又嘗言堯舜禹湯文武周公之道非孔子刪述  
六經垂憲萬世則其道無傳所謂集群聖之大成也今朝  
廷於孔子至矣而朱子建寧舊宅有祠無祭子孫身服徭  
役誠非所宜乞定議褒崇幸甚疏入公議是之近年增入

從祀者太多賢人之後累加恩典先生有以導之矣所著  
有詩文若干卷山東郡邑通志勝覽等集藏於濟尚書傳  
釋傳學者又嘗集朱夫子以下讀書規範名曰讀書要法  
若干卷 門人葉盛曰先生剛方正直道大而才高觀其  
在學校在執法在考功皆有成績而獨不為時宰所容大  
都可知已使當時處先生而得其宜則所以發揚經訓丕  
變斯文又不猶有可望者乎昔張子厚荆東按獄明道先  
生特疏懇留彭先生則既冒不聞吏牘之詆矣乃猶以一  
察官之亞僕僕走塵埃中迨老且休不聞有程明道者出  
一言留之先生亦不過哉先生亦不過哉

湖廣等處提刑按察司副使慎菴彭公墓表

疏

南陽李賢撰

太常寺少卿兼翰林學士彭君時狀其叔父慎菴先生之  
行以示賢曰先叔平生存心制行之高不可以無述莫執  
事為表刻諸墓以示我後人賢固辭弗獲則按狀而書之  
公諱珣字毓敬其先鄱陽人宋哲宗時有諱忠恭者官於  
吉之安福子孫因家焉代有顯若廉訪使仕益轉運使國  
祥其表表者至諱六有國子生未釋褐而宋亡遂隱不仕  
子孫相戒終元之世無顯者公之高祖祥翁曾祖芳遠祖  
古清父欽樂皆業儒欽樂用公貴累贈奉政大夫修正庶

尹廣東按察司僉事母李氏累封大宜人生子六公行三  
自幼卓秀受業於古廡退山先生蚤有時譽永樂甲午首  
領鄉薦戊戌春登進士第觀政憲臺時營建京營大臣以  
公才可集事奏委督起應天諸郡夫役有司服其廡令出  
無敢後期者吏受賄者置于法夫道亡者當械公以誠感  
之曰能自首者免於自首者十八九漂水有虞真素以財  
力自稚為梗公列其惡狀真計窮而出公曰爾所以安於  
豐產者皆君上之賜也獨不知報邪真叩首愧服自後無  
敢亡者明年以山東夫役緩於運木復委公督之令甚嚴  
衆為公危公如期而還時侍郎李友直統其李嘉公能而

延譽之公之名益著明年冬以親民職重擢公知政和縣  
御史李霖時巡銀場懼公不容其家人奸利乃文致其罪  
謫徙涪中公處之泰然自得洪熙改元用薦者授臨清教  
諭乃作新士習具有程法諸生莫不悅服感激奮勵多底  
成才公在師席凡三典文衡楊文貞公高其學行薦陞翰  
林院編修公曰是職不易稱也益力學忘倦雖空曠不恤  
預修五倫書及宣廟寶錄同事者服其精勤正統改元賜  
勅命進文林郎時朝廷留意人材乃簡儒臣學行淳正者  
十三人授以憲職提督天下學校公與選中陞廣東按察  
司僉事既蒞任立教條嚴考課歲歷郡邑開導諸生凡黷

舍廢缺者增修二十餘所書籍不備者咸刻而傳之嶺南  
士風為之丕變科目之盛幾于中州復兼督農桑黜陟官  
屬奉法不撓人服其公朝廷嘉之賜誥命進奉政大夫修  
正庶尹尋陞山西按察司副使仍理學事景泰初罷提學  
改任湖廣奉勅贊理廣西軍務公益孜孜盡職不憚勞涉  
未幾引疾致仕太宜人猶在堂公得泰歡膝下已而居喪  
營葬一遵家禮處兄弟間尤篤於友愛恒欲相接怡怡如  
也立義塾以訓子弟暇則徜徉山水間自謂無樂以易之  
如是者五六年忽疾作不能言昇至正寢精神不亂意欲  
永訣乃秉筆以書有曰內不見已外不見人又曰保躬全

歸始終不移書畢而逝天順戊寅六月二十七日也距生  
洪武辛未十一月十日享年六十有八配劉氏累封宜人  
先公卒側室周氏生子一人晉早卒女三人長適歐陽次  
適管驥次適伍塘晉之卒也無後公命時之仲子頤為之  
後孫女一卜葬于故里黃牛嶺之陽公為人剛毅嚴肅雖  
燕居無惰容然孝友忠厚出於天性接人意誠而理至尤  
謹於奉祀先塋在四遠者歲躬展省平居言論一出于正  
義有不合雖小不為所當為者雖為俗忤物為之弗顧也  
性甘淡薄於書無所不讀為文雄贍追古作者所著有備  
忘錄慎菴等集若干卷藏于家嗚呼天下人物江右為盛

而江右世家彭為盛彭之彥公為盛然則公之行顧可使  
之泯泯無傳哉賢與時同官久知其博惟君子所狀必非  
過其實者故繁其詞而不殺云

浙江圖書館

明故中順大夫福建按察司副使辛公墓表

何喬新

成化九年冬十月三日福建按察司副使襄城辛公以疾  
卒于家是歲十二月四日其孤耕與壻高瑁葬公龜山先  
塋之次葬後五年予遷湖廣布政使道襄城過其家吊焉  
耕奉公行狀泣而請曰先君葬已久而墓石無文懼無以  
昭德垂遠惟先生圖之噫公予之畏友也其奚辭按狀公  
諱訪字咨道其先本魏侍中毗之後世家真定之陽曲曾  
祖友敬避亂徙許之襄陽城遂占籍焉祖諱達以子貴贈  
承德郎戶部主事考諱謙以公貴封文林郎南京四川道

監察御史毋蔚氏贈大孺人公自少端重不妄語笑年七  
歲父兄授之書不數過輒成誦巡按河南監察御史趙公  
遇諸途竒召補邑庠弟子員公篤志問學文詞典贍邑之  
耆宿皆器重之正統丁卯以詩經中河南鄉試第三名景  
泰辛未登進士第觀政吏部益務進學公退未嘗釋手時  
予先公為吏部尚書好誘掖後進一日召諸進士試之  
命題以光武賜隗囂書唐人送李愿歸盤谷序公所作詞  
理淵永先公亟稱之會都察院奏御史員缺  
詔吏部選進士勤慎者補之先公曰勤慎者莫如辛進士  
遂擢廣東道監察御史糾隱繩違克振憲度

康定皇帝念西北邊兵戍守良苦勅公賫金帛徃勞之先  
時使者憚臨邊不親致賜故將校多侵剋賜物者公馳至  
延綏榆林召集成卒稱 詔慰勞而賜之人人皆霑上恩  
丁孺人憂解官居喪足不踐公門服闋赴京同儕多願居  
輦轂下以便進取公自言親老願官南臺以便養冢宰王  
公賢之改南京四川道益以廉慎自持風裁凜然都御史  
蕭公深重之獄之疑者多以屬公都憲軒公督南京糧儲  
持法甚嚴御史鮮當其意者獨賢公且曰吾老矣堪代我  
者惟子而已天順己卯秋應天府開科取士蕭公命公監  
試主司欲取其所親衆以主司官翰林不敢言公厲色曰

大比興賢顧可徇私邪主司赧然而止遷浙江按察司僉  
事抵任錢塘仁和二縣循故事具供張什物送官舍公悉  
却之或以故事為言公曰辭受惟其當而已何必拘故事  
也處州頑民聚徒千餘盜採銀礦衆議發兵討之公曰兵  
刃既接必有死於無辜者乃揭榜諭以禍福衆皆歡呼而  
散公暇詣學宮進諸生講論經史金華舊有麗澤書院以  
祀呂成公歲久寢圯公命有司新其祠宇又以何文定公  
基王文憲公栢金文安履祥許文懿公謙承朱文公之正  
傳奏請立祠鄉邦春秋致祭以風勵學者桐廬大姓連姻  
權貴怙勢恣橫部使者莫敢誰何公獨捕治之當道交屬

且脅以危言公竟抵之法繇是忤權貴意有薦公者輒沮  
之刑部侍郎曾公訪察浙江諸司以不職黜者甚衆獨稱  
公廉能力薦于朝陞福建按察司副使奉勅巡視海道瀕  
海大姓私造海艦歲出諸番市易因相剽殺公捕其渠黨  
寘諸法而沒入其艦事連遠官窮治甚急其家訟于御史  
誣公激變良民或勸公少緩其獄公奮曰吾寧執法而死  
不忍賣法而生也自是奸民屏息海道肅清未幾文林君  
卒公聞訃號慟幾絕即解官北歸察友致賻皆不受既襄  
事負玉築墳手種松柏有助之者即辭曰人子所當自盡  
也嗚呼公之行治如此然官終四品年僅四十有八不獲

大用以究其志此君子所為痛悼也公先娶王氏封孺人  
繼娶邢氏男五長即耕次曰耘曰耒曰植曰溉女五長適  
高瑁次適許某王恬吳溥曰珣公恬澹寡慾官南臺時未  
有子或勸之買妾公謝曰吾妻已產女矣安知終無男耶  
居官二十餘年常祿外一芥不取於人其自閩奔喪也延  
平太守與公同年知公貧厚具貲幣將賻焉公知之過延  
平稱疾卧舟中不起太守不能見而去平居癯然言若不  
能出口至其據法守正毅然不顧慮雖萬夫莫回也昔孔  
子謂未見剛者或曰申枨孔子曰枨也慾焉得剛嗚呼剛  
者不可多見久矣若公非所謂剛者歟其所以剛者非以

其無德歟予嘗與公同官于閩故表諸其墓庶幾有聞其  
風而興起者



浙江圖書館

浙江圖書館



浙江圖書館

中憲大夫福建按察司副使周公墓碑銘

於乎此吾憲副友周公之墓公之卒以景泰癸酉六月日  
其孤恂等以天順壬午某月日奉柩卜塋焉旣襄事遂造  
于乞銘將樹碑墓道以彰潛德於乎予曷忍銘公墓耶雖  
然知公者莫予若銘固弗容辭因序而銘之序曰公姓周  
氏諱瑄字私璧行文一號勿齋系出唐司徒墀之後先世  
汝南人宋時有諱明者舉進士為太常丞建炎初扈蹕南  
渡僑居錢塘明後有諱天昌者仕為嚴郡博士卜居淳安  
之南隅因家焉高祖仁翁曾祖玄卿祖仲寧以隱德自高  
積而能施卿稱長者祖母童氏繼邵氏父景輝以公貴贈

刑部主事母袁氏封大安人公蚤游邑庠授春秋習舉子  
業宣德壬子領鄉薦正統丙辰第進士明年授南京吏部  
主事庚申祖母邵歿公以嫡孫歸守制服闋改刑部戊辰  
陞員外郎明年陞福建按察司副使未幾以撫鎮建寧功  
進食三品祿三載進階中憲大夫景泰辛未丁母太安人  
憂還未除服竟以疾弗起距生永樂乙酉二月日享年四  
十有九公體貌豐偉舉止詳雅存心忠厚言不妄發居家  
薦於孝友逮事祖父母咸得懽心每恨祿弗及父言之輒  
殞涕太安人在堂官兩京時上章乞分俸代養入閩奉之  
以行扁所寓之堂曰怡萱晨夕之奉惟以悅親為念事二

叔父如所生撫弟妹有恩父歿時弟未有室公為擇名門  
女同門友按察使洪君弼以妹配之手創別業與諸弟共  
太安人所遺物悉歸諸弟治喪一無所干而又仁於宗族  
惠於鄉黨叔祖父某伯父某某先後繼歿公皆市地葬之  
鄉人役於兩京行囊弗自給者徃徃周之無德色其為學  
刻意勵行口誦心惟罔晝夜或懈賢師益友過從之暇問  
疑辨惑弗得弗措為文必傳經義才思泉湧下筆累數千  
言與人交開心見誠視朋友事如己事力為處置識見卓  
異或以疑事見質一言而決靡不切中於理蒞政本於勤  
慎用法本於平恕剴裁之能同官嘆服詳讞之公人以不

究嘗審決南北直隸重刑多所平反所至人稱道之其在  
建寧撫傷殘之餘招新集之衆增城浚濠禦寇安民厥功  
尤偉 朝廷聞而嘉之遂有加俸之命復遣官齎賜織金  
文綺二表裡鈔百錠建寧士夫亦相率賦詩述公功德於  
乎公雖弗壽而其德業著于時若是復何憾焉公所造就  
士多成器至顯官所著有勿齋稿秋臺稿出使詠錄栢臺  
稿公配盧氏稱賢淑封安人子男五長恂次恬已卯鄉貢  
進士次忻次忭戊子鄉貢進士次愔女一許適子次子良  
輔今為大學生者孫男十二墓在邑西月山之陽子與公  
姻為連襟交為莫逆方將資公啓蓋以底晚成而公遽已

矣惜哉銘曰汝南周氏祖太常建炎扈蹕來錢塘太常之  
後曰天昌卜居淳安世澤長自茲嗣續多俊良世以積德  
稱於鄉信知作善天降祥憲副承之益顯揚擢科入仕當  
富彊歷官中外司刑綱忠厚平恕心之臧德業間望何昭  
彰子孫如玉森滿堂餘慶演迤渾未量穹碑屹立月山陽  
銘以著之耿不忘

浙江

浙江圖書館



浙江圖書館

浙江等處提刑按察司副使贈湖廣等處提刑按察

一司按察使鬱林陶公墓誌銘

聶大年撰

正統戊辰冬浙東金華處州群盜陳諫胡葉宗流陶得二  
聚衆至數千人焚掠鄉邑殺死官軍吏士凡數守臣以聞  
上命將軍徐恭陶璋先後出師往殲之諫胡宗流皆就擒  
惟得二竄伏大山中與餘黨時出攻掠民之無賴者為其  
脅從往來兩郡人受其害按察副使陶公領兵屯金華之  
武義築木柵為城以捍之先是宗流餘黨惟得二最號黠  
狠朝廷嘗賜之冠帶使招降得二不受賜反殺使者大肆  
猖獗官軍莫能制公獨運謀結彼向渠魁葉仁八誘殺得

二賊黨數百生擒百餘撫而來降者及三千餘衆皆安堵  
各歸其所得二止四十餘徒遠遁深山負其險惡指日亦  
可擒殄或有阻抑之者賊勢復熾不息故公駐師武義其  
駐非得已也謀策又出自多門而不得專制也五月己未  
得二率衆涉溪水攻武義木柵未至城下先遣十餘賊以  
敵緼束燥薪入城詐為避盜匿民間公聞賊至即驅兵出  
城方勵士卒奮擊而城中賊放火延燒大柵烟蔽障天軍  
士皆潰賊乘勢大掠公遇害吏求公屍滌血裹瘡而殮七  
月丙子以柩歸鬱城其次子然哀經哭盡瘠以公之死有  
餘憾乞文志墓以圖不朽公諱成字孔息世家鬱林生五

歲而孤賴母守節撫教之稍長補州學弟子員以易經中鄉試第四人入太學授交趾鳳山縣典史時冬官尚書黃忠宣公兼掌藩臬司事知公學行使署諒江府學教授事夷人多化之居九載以功擢山東按察司檢教用薦陞大理寺評事推讞平允拜浙江按察司僉事佐憲九載政清刑平方寇起浙東公獨守蘭谿築城堡修器械蘭谿之民率以無事皆公之力也公為人坦直方嚴不為赫赫取名而人畏服公事之暇焚香正襟坐手不釋卷遇事明敏果斷不為一身之謀思殺賊安民以報朝廷之恩而遂及于難嗚呼惜哉公初娶梁氏先卒繼彭氏趙氏二子曰魯

曰然女五人公死時年六十有一銘曰哀哉陶公逢時遭  
逆為國慷慨不私其身誰當賊鋒公獨敢奮不教之民或  
噴而困如彼蛟龍螻蛄制之見危致命夫復奚疑死而有  
靈當為厲鬼俾其逆儔皆踣而斃公雖往矣名則長存天  
道好還福其後昆

浙江圖

故陝西按察司副使白君墓表

葉盛

天順三年春廣東珠池之役合六郡兵民之衆而中貴人  
十五人者僣從官校寔多且將事銳甚時巡按監察御史  
白君言之中貴人以為珠固不敢稽也今西賊久流如民  
疲何中貴人感動官校怙勢震下即能廉得其實責之中  
貴人自治由是且漸且惧為之斂跡中貴人有欲屬叅吏  
者君不從曰叅吏有簿巡撫撫既出巡按承之巡按乃可  
為巡撫欺邪未幾予來自廣西聞有愛御史者嘗以太剛  
媒禍為言君聞即正色曰侃未學初仕患在不能剛耳言  
者愧之嗚呼予治廣者六七年直道守正不屈不隨如白

御史者可多得哉然君之可稱迨不止是其巡按南畿時  
以六事為言一正身心者古昔帝王誠意正心以脩其身  
是以天下和平享國長久後世之君天性之高稍知其道  
者亦能小康僅至中壽其它率多驕縱自恣凡蕩心喪志  
損身敗德之事靡不為之是以喪亂相仍身多夭折也  
陛下屬今春秋鼎盛血氣嚮隆當以古帝王為法後世人  
主為戒其二勤務學曰人主不可以不學而學不可以不  
勤宜急選碩德重望明識政體老成儒臣處之使殿從容  
論講裨益聰明脫此時不學後雖欲學焉竊恐不如今日  
之易進且專也貞觀政要陸贄奏議大學衍義三書甚切

治道尤乞留意三曰賞罰至公所以法天道後世如漢祖唐宗  
亦皆史冊有書可為後法適者近習交結事露函寘之法天下  
聞之無不悅服所望于將來者愈堅此心一賞一罰悉出乎公  
則治道可成四曰初政二詔利興而害革軍民頌歌無聞遠近  
且聞大內珍禽草木悉已放除外方賈物多已不納吾曰非徒言而  
不能行矣繼自今惟在乎守初心行初政而已精選練夫國之  
安危在將戰之勇怯在兵 祖宗承平甚重乎此如曰將非精  
求士非素練難矣宜令 議京師各邊正副總戎謀贊文臣分  
營都指揮等各精選得之具立條式俾彼此相制上下相維一  
意操備而又嚴其侵漁役占之禁庶得實用六曰石曹二逆禍

之將萌也臺官亦嘗有言而反為排擠如都史御耿九疇御史楊

瑄張鵬之譴降是也

先皇聖明九疇尋即召用其均霑未及

之人宜加收叙以信公道慰人心

上覽奏深用嘉納悉施行

既而代還掌道事牛玉得罪南京給事中王徽等跡其悞事之  
因言併及李賢忤旨調外君率諸同官上言徽等初心一忠愛  
所發而遽加斥逐之天下之人所以為不樂人言願忌畏縮幣  
將弗勝况今日拭目維新之治而乃首斥言事之臣於太平盛  
治不為無損雖未得報時論莫不言之君諱侃字廷直姓白氏  
太原平定人曾大父某大父勲洪武中舉孝廉官至楚府審理  
父琦有年德為鄉老人以君貴封監察御史母石氏王府長史

石撰先生女娶趙氏臨清主簿贈大理左寺副副之女俱封孺  
人其王六纔六歲女二一許適王氏一尚幼君景泰甲戌科進  
士浙江道監察御史應天等府及廣東兩巡按外又嘗巡視太  
倉督捕中城盜賊巡理紫荆等邊關有勅書寶誥之賜超陞  
陝西按察司副使以軍務邊儲徃來延慶者舟暮竟率榆林邊  
人哭之如喪所生其為人孝友忠信家有寡嫂官下歲必寄衣  
家素饒每寓書誠其子弟凡鄉人舉貸不必計利有無在在學  
號舍偶得遺金十兩詢其主而還之居官恒以公廉二字書粘  
私室之壁去即揭之自勵如此故所至有冰蘖聲君之卒為成  
化四年二月八日以是年四月二十日葬城南先塋之次猶子

工部觀政進士思明泣而拜予請予為文以表君之墓而君之  
友按察副使進賢王朝遠巡廣東督延綏皆於君道交承而心  
誠服君往為文辭祭君哭君而皆手錄以寄予惟恐予之戒  
忘也君於予白君已矣忠懇之言誠確方嚴之行可得而見者  
止於是矣其進於是吾不復得而見之矣今之世安得直道守  
正不屈不隨皆如白君幸皆得而見之哉使世皆若人世其有  
不治此吾故於白君之言特書屢書辭繁而不殺庶乎讀之者  
其亦有以諒予之志也哉

浙

河南按察司副使致仕陳君直夫墓誌銘 李東陽

吾友陳君直夫舉進士拜南京貴州道監察御史三年丁  
外艱服闋改陝西道又三年丁內艱再改河南道皆在南  
京遷江西按察司僉事二年致仕歸十餘年南京兵部尚  
書張公悅薦其志行可大用乃起為福建僉事督理屯田  
又二年復乞致仕時倪文毅公為吏部尚書特擢為河南  
副使都御史林君俊舉以自代不果又再乞致仕巡撫都  
御史孫君需請留之巡按諸御史交薦 之又二年竟致  
仕去君子觀其進退之際可以知其人矣直夫鯁介寡合  
雖生長都會而有山林性氣不能與物湛浮過節義廉潔

士傾心嚮慕稍不合輒感頰而起若將况乎其身家素窶  
奉親志養常俸外一無所取居喪義賻輒辭弗受屏居  
舊鄉去府治遠足不至公室以請託至必峻却之亦  
無復至者惟事兩嫁其女撫妻之孤弟建祠堂以合族  
他所好非所當赴雖故舊彊之不屈也蒞官政務公與  
慎在南臺力操風紀嘗上疏請止中官取花木採言事之  
不得其取者在江西持法甚謹在福建清屯田在河南賑  
饑民皆悉心綜治不苟應故事顧其所拂意者恒多雖過  
勉就職而志常在退其去也盖有遺用焉若其經業精貫  
博涉史籍使當督學之任必大有興作世之用遺其才

每如此是豈獨為直夫歎哉然直夫之所自處則可謂不  
失也已直夫諱壯自號古迂浙之山陰人祖諱珪坐累戍  
交趾內徙京衛考諱簡贈文林郎監察御史妣徐氏封太  
孺人子三曰欽鏊鏊女三長適周提次適趙文學次許嫁  
祁鋼孫亦三曰沆灑灑女孫四長許嫁施綽直夫生正統  
丁巳其舉進士以天順甲申卒以弘治甲子十一月十三  
日也丑乙某月某日葬黃龍尖山之原予與直夫同京產  
又同甲第相知厚予父叨仕藉直夫每致書札無一褒譽  
語至相稱謂雖老必以字未嘗效時俗舉爵號故予名直  
夫亦以字庶其有知尚能諒予且以為子終治命云銘曰

抗世孤立不西以東執德之恒以與始終衆閔而躑我若  
弗聰行我者天藏我在躬縱不天施弗喪厥衷吁嗟直夫  
其古人之風乎

浙江圖書館

中順大夫浙江按察司副使張公墓誌銘

程敏政

成化辛丑春三月浙江按察副使張公簡以母喪還泰州  
既葬未幾而病疽門人朋友親戚宗族日間病者幾百人  
公知不可起悉召與決別如平時又顧其門人前進士張  
璪曰吾友程太史克勤最號知我其往乞銘語既卒時壬  
寅春正月五日也公從子需奉璪狀數千里來新安山  
中以請予聞之驚怛流涕曰孰意吾友遽至此乎屬續之  
託不可孤也用序而銘之序曰公諱文其字存簡張氏世  
為泰州巨冢然未有顯者至公曾祖德林祖仲信益以善

聞父頴始舉于鄉終國子助教用公貴贈奉直大夫刑部  
員外郎母成氏贈宜人羅許氏封太宜人公生有至性童  
卯如老成初助教公典教山陰公侍行遠遭成宜人喪哀  
毀不食蓋絕而復甦助教公難之遣從學一時名士之門  
公亦自奮力學久之還為州學生屢試弗第有識者曰是  
不當小成者天順己卯舉南畿鄉試第一人尋遭助教公  
喪悉用朱氏禮一鄉化之成化丙戌遂與予同登進士第  
泰州入國朝頴甲科自公始筮仕刑部江西司主事壬  
辰進員外郎癸巳吏部奏擬山西提學按察僉事甲午復  
擬山東皆不果是歲進郎中公在刑曹最久有所讞必本

於公怒他司獄有未具者多移鞫于公既獻無後言丙申  
以日食星變 詔選使十三人錄繫囚于公下公分地畿  
內平反誅死者百十有六人曾徒流以下千有四百人其  
辨馬平兇事尤愜人意平兇報父仇殺人抵罪公上言君  
父之仇臣子所必報反覆數百言讀者感動畿內人有繪  
其像而祀之者丁酉大水歲侵復有 詔選使五人賑卹  
之公地分兖州規借勸分不遺餘力又上疏請分府庫餘資  
以慰倒懸渴望語益痛切蓋活飢民五十二萬人復流移  
一萬七千口婚嫁男女之貧者五千三百人釋大辟囚二  
十餘人他如通貨財修祀典申掩骼理芻之令皆自公發

之已亥陞浙江按察司副使有醜商李成誣販垣為盜轉  
引至十九人初訊者以為實多瘞死獄中存者僅六人公  
覆訊疑審詰得其情六人者幸不死一省稱快餘平反者  
尚多在湖踰年大率以洗寃澤物為已任蓋未竟其所施  
而以家艱歸矣公生宣德丙午五月十五日得年五十有  
七配劉氏先卒繼李氏俱封宜人子男二長霽劄出次泰  
孫李出女五長早世次適州學生唐裊次徐蕃餘未行霽  
奉治命以率<sup>卒</sup>之年三月葬城西唐家莊之原公平生孝友  
恒以祿不逮親為恨事許宜人與第致等雖相愛而策勵  
之倦<sup>二</sup>以故諸子入秋試者恒不悅人自奉儉約如寒士

周人之急則罄所有弗吝歷官內外使四方言若不出諸  
口而中有定見巧佞不能奪與人交雖厚善不苟隨案牘  
填委日不暇給而嗜弗倦為詩文惡浮靡率有關於世教  
自號遜齋有雜稿若干卷審濟錄世訓各一卷嗚呼天之  
生才亦艱矣富詞藻以煒然一時辦事功以赫然一方者  
豈無人哉永能外達其所學而不雜內深於所養而不渝  
如張公者可數也顧官止于臺佐年歟于下壽則吾之所  
惜又豈獨朋友之私而已銘曰

恭有張氏其富甚久一顯師儒弗竟其有公也再顯自其  
遺經發解于鄉擢第于廷內曹外臺屢見敬歷敬刑恤民

有言有勳門養既深門發益弘羞不可禦孰尼其行用世  
以忠畢世以孝維天錫之將有後躍唐莊之原突如其墳  
有永無虞太史刻文

浙江圖書館

亞中大夫浙江等處提刑按察司副使定菴曹公傳

時中

邑人錢福撰

定菴先生華亭富林人姓曹氏初名節惡其嫌於漢宦者  
請于朝以字行曰時中既又以中無定在而求定吾衷乃  
有得于操敬主靜之學曰吾於是乎定矣題其居曰定菴  
學者因專稱之曰定菴先生雖爵齒儕行輩亦嫌於字名  
之無別也皆稱之曰定菴定菴云先生亦嘗自稱曰定翁  
既又愛唐人青山宜晚眺之句而富林為九山之窟松  
之近山者莫及焉故別號曰宜晚居士然唯定菴為著稱  
名稱姓也先生清臞飄逸洒洒然有出塵離俗之態行若

鶴步止則驚停掩映于碧梧翠竹之間望而知其為有道之士與人言溫溫然恒恐人不得蓋其情雖負販與隸與之接亦惟恭惟誠主有悍戾傲狠者遇之不覺自失蓋其怡愉樂易未嘗有疾言遽色涵容淵弘不立岸產居無所別白者至於析義理臨事居則看柳之於髮綜之於絲密而不亂者有如此其於出處進退辭受取予及可否天下事校義利是非處則斧斷壁立確乎其不可拔雖貫育之勇弗過也若急人之難聞不義事及有不可人意處或強弱曲直不得其平者不問利害力可及與否即思欲赴之有古俠士風烈又與其為人也若不類然使其當事安緩

急之際古節義士何以加此其學無所不通而尤以詩律  
名要亦其所自得也然未嘗自謂有得意句故進進不已  
老且不衰一時為詩者皆宗之先生亦樂然無拒與擇也  
故恒以是掩其餘能其餘力尤工書自晉唐以上名家者  
皆能辨別真偽而以意會之懷素宋克則其所愛而得之  
多者也每片紙隻字得之以為人所珍惜晚年益進小楷  
雖手簡家稿亦不苟或問之則誦歐陽文忠公之言曰自  
少所喜事多矣中年以來漸以廢去或厭而不為或好之  
未厭力有不能而止者其愈久益深而尤不厭者書也至  
於學字為於不倦時往往以消日人皆服其言謙而當蓋

自庠校第進士居官以至于今茲皆以詩字行然歲異而  
月不同則人亦未易知也初拜刑部主事或疑吏事非其  
所長先生曰今之律古之經也天下有性外之事我益勤  
益慎聲驟起遷員外郎勅封及其父存嘆曰國之所以報  
吾父教子者厚矣吾何報國之所以推子榮父者耶久之  
用薦者遷浙江按察司僉事不激不隨執法以待人之犯  
者廉介聲愈著以家艱歸廬墓薛山產瑞芝人皆知其孝  
感先生曰偶然耳然不能正諸作者之稱揚蓋曰其人足  
以當之再之浙鄉人喜其地近而俗同以為奇遇其所知  
者懼其前所憎愛賞罰者具在以為難處浙之人曰是耳

來生我也先生皆不以為意曰舍是吾不能為哉未幾以  
繼艱去補雲南或以為遠方雜夷不可以法律捕弛平素  
廉介無礙也先生曰彼自遠吾道不遠且彼非中國人何  
以用中國吏治耶吾知奉吾中國法而已之官不以家累  
隨吏于雲南及其土人皆驚曰吾向來未嘗見此三原王  
公初起為冢宰曰若曹某者可置之遐遠耶轉副使改復  
其初仕浙人曰吾於曹公有三生緣哉是三生我矣時當  
粵海道武弁以賄賂為恒曰歲例先生曰吾奉勅讀律皆  
不知有此賊也非例也請自我始拒之威令大行朝野方  
有重望而先生脫然乞致仕留不可得人亦不知其何為

今將十年矣於古禮始得致仕鄉人咸高之且咲曰吾松  
稱多顯宦弱而不止遣而歸者不論目前數可者尚七八  
人或年及或位滿或苦疾或富而顧家或憂後之未立或  
觀望上下未能盡如其意而所進亦未能遂其所期也先  
生家不增於其未仕時進當無所不至仕之論善地者莫  
加焉且子姓之賢尅於一郡精神愈完同年甫餘六十其  
果何所為而歸哉先生曰吾有尊舟不能忘爾吾烏得為  
無為歸則與其兄餐菊翁種菊教畦歌陶靖節詩觴酌其  
下辭則或效其體為之人不能別自餐菊翁外與諸從昆  
弟懽忻皆如少壯侍其至少者曰時信才俊蘊先生抑之

曰當就規矩果薦于鄉名大學其為詩亦與先生俱行于  
侍從子憲與時信同課業于先生先生曰子知規矩者稍  
舒縱當與若叔同果繼時信而起從孫儔又將繼憲而起  
先生視之如已之孫孫仕介遣之從名人游而以憲督之  
皆蘄然見頭角憲歸功先生先生笑曰吾家學肯使他人  
論功耶其子志克家承顏以詩繼先生居庠從先先生老  
之而樂肆力于詩字以裕孫謀不損素節者咸賴此今年  
七十孔氏從心所欲不愈矩者於詩於字於大倫理進退  
則然年弥高德弥郡其與之衛武東海之太公進且過雖  
孔氏亦不自知曰東周曰無過曰先生當自知之或曰先

生其尚未定乎哉後學錢福曰華亭自陸顧以來代有文  
人至國初楊陸錢稱三高專以詩名至袁景文而絕曹進  
士九峰始奮起欲追古作家來以下勿論也先生於九峰  
為母弟少從之浙徙倚於三高墓側市二陸祠而有感焉  
及從夏止軒游止軒一代之文士也其父封主事公與錢  
文通公契洽文通公之家隴于余山者必徑焉先生從游  
輿唱所得良多今其名家則集衆體而有擇焉者也其在  
刑部與吾鄉奚郎中吳侯員外方同進而不廢詩一時若  
今刑侍郎屠公勲李公士實都憲林公俊叅政顧公福太  
守王公存敬及吾師陳西潭章皆推避之而訂盟於吾師

李閣老西涯賓之公福及西涯門下西涯曰松之詩派在  
曹此吾先修撰公致仕自雲南歸曰吾曹公非松人也天  
下士也吏吾土者惟林與之合乃知先生與林公不獨以  
其詩契而已也猶獲從西潭侍先生游諸山而有倡和焉  
今之同福遊先生門者鶴坡王良佐雲東沈淮而下若干  
人分題詠歌為先生壽而福懼無以進乎此摘所見者為  
小傳以為諸作者之張本若先生有為而出無為而止清  
不苟名和而不溷俗今足以矯俗而不詭俗以干譽知足  
以扶世而不偶世以輕售則福所終身願學焉而未能者  
福職史不能袞鉞天下以報特 龐而敢負吾鄉之特產

我敢負吾裏之所特見我因着之以俟知者



浙江圖書館

中順大夫福建等處提刑按察司副使封中憲大夫

蓮峰韓先生墓碑

黃河太華之間有吳大夫蓮峯先生卒其子儀封知縣邦  
彥浙江僉事邦奇工部員外郎邦靖國子監生邦頌卜葬  
朝邑南湯洪之原而太史呂子纂述令德播為嘉銘納諸  
玄室矣惟是墓道之碑有關無以崇親表賢別貴賤之等  
而詔來裔示後世于是謀之九思九思少時習聞我先生  
言、先生才氣古豪傑蔑以過也弘治中幸謁拜京師而  
先生往時教授華山下而受經之徒尊而仰之也是故稱  
蓮峰先生云先生諱紹宗字裕後同州朝邑人也蓋姓韓

氏先生未晬而孤三歲而有智八歲行墮洛河水下一  
巨人挾之出無恙問之狀貌蓋頽面長鬚髯父老驚恠之  
疑閔雲長云十歲讀書日記千言蓋受尚書武清令倫所  
武清令倫者先生之叔父也精通尚書以此盡傳其秘十  
六而為學官弟子副使伍公見其文奇甚甚愛之呼之曰  
韓生當此之時故三秦士無不推先韓生者本副使伍公  
延譽之力也二十三舉鄉試進士乃不中而歸乃就葦  
山雲臺觀授經三年士遠近至者蓋門下多文武之才而  
又浮渭而面登畢郢上郿城覽終南太白之勝又西至于  
岐山之陽陳倉之口所至士多從之遊而文日益壯蓋二

十七而奉進士授刑部山東司主事主事五年而遷四川  
司員外其年再遷郎中復山東司而雲南廣東二司者事  
劇甚部尚書特委攝焉然又或攝他司而終始刑部凡九  
年其所聽斷平反者甚多蓋數百事不尽書其大者都  
指揮王章者守倫真定也蓋橫甚虎而冠者也

巡按御史柯忠劾奏章亦誣奏御史郎中徃勘而章恃  
其有內倖出謁道上執賓主之禮郎中怒鞭之道上三十  
遂按其罪免官當是時真定知府者亦有內倖而入謁甚  
倨郎中微持其陰事乃復長跪謝死以死罪幸使君寬之  
不可竟奏抵于法太監石岩者鎮守大同而都御史許進

為巡撫惡之兩家相訐奏。下給事中御史同郎中徃勘  
徃勘而岩罪有端而許公无何給事中御史以為亦宜微  
入許公以塞口郎中曰天乎乃有枉人罪而避己禍者固  
不肯獄成岩深疾之舍給事中御史不奏。郎中言郎中  
黨都御史罪我于是天子震怒建繫郎中而遣他官徃勘  
則許公左迁矣郎中竟亦无罪當是時安遠侯者好結客  
客與遊者皆貴近用事有氣力者侯與都御史某者不相  
中具奏闕下郎中按問而侯賊以鉅萬身所殺傷數十人  
奏請抵法天子不可如是者三而是時彭公韶為尚書曰  
郎中力窮矣乃自具奏以唐事為比語在墓誌語中然不

竟罪侯者諸客之力也其後京師有一僧善太監梁昉而稱曰門僧一日某伯者出而僧正衝其前導捷僧倚梁昉奏伯繫獄而自從昉匿不出也郎中追出之抵罰而系師為之語曰伯繫獄僧入窟掘逃僧韓郎中頃之又有樊奉人事樊奉人者蓋壽寧侯之門下客也壽寧侯貴振天下而其人負勢以逞謂无柰我何蓋勲戚貴臣一切奏狀皆出其手然駕空亡事實至是奏下郎中郎中具知而詰其主奏者勲臣曰誰能為此奏乃具以實對曰樊奉人為此奏于是攝樊奉人是時樊奉人匿壽寧侯所甚深乃百計出之出之而下獄數日矣乃郎中出門見地上卷書取

視則備書樊奉人罪狀宜必置之死不死不可即中笑曰  
此樊奉人所自為書也詰之果服同寮咸謂此畏笞誣服  
耳何乃自為此即中呼樊奉人出使背誦其書背誦不訛  
一字同寮驚問曰何乃自為此對曰韓公者非可搖動以  
勢斲生則必死今言死者左計也幾生我耳即中曰不然  
若罪不至死于是發戍遼東云而壽寧侯雖心惡之然無  
如之何朝審囚徒中有亂義男婦者死冢宰三原王公疑  
其太重以問主者主者不能對即中前對曰義男犯其父  
與生男同科有之乎冢宰曰然則亂義男婦者獨奈何  
弗死也冢宰雅知即中乃愈益重之遂欲超拜異寺以風

病死也家宰雅知郎中乃愈益重之遂欲超拜異等以

厲部署會大理寺丞缺員擬遷郎中而員外郎王嘉慶者  
蜀人也与郎中有郤乃以他事奏使下獄而主問者御史  
又故為稽留以故不果遷其後遷為福建按察使副使  
既至而都御史左迁者魏叅政子捷人市中適過見之怒  
攝叅政子叅政惧慕夜令其子亡匿歸未幾而鎮守陳太  
監者其舍人群奪屠者肉市中捕獲一人而諸舍人者走  
匿不可得吏捕之急太監怒呼諸舍人者出數之曰此新  
韓副使也若等不聞之邪且若等何如魏叅政子遂送抵  
罪而後又有鎮守鄧太監者无故笞一吏死吏舍人訴之  
按察使御史按察使御史不問至副使副使問而太監者

盛具接殷勤之歡窺伺副使副使于他事則卷于死吏則  
或卷或不卷而笑因以困鄧既出召衛指揮至而曰往時  
太監筇吏死者行狀人皆若衛卒其急捕之來不即勿復  
見我及捕至且治而為太監謀者令行杖人赴訴御史言  
未嘗筇吏死又令太監多予吏太監舍人者金而教言吏  
實病死非受筇死于是御史下按察使而太監遂无事然  
終以此嘆副使也其後副使代管海道捕海寇急而寇王  
某者覘知此隙謾為書与捕者因誤遣太監而云韓副使  
受我金生我矣太監得書即以此奏副使是時都察院戴  
公珊為都御史知副使而署奏聞上竟亦無事知州白某

者尚書之弟而受賕事竟人多不敢問。罷之又通判湯  
珎者嘗為吏部其人辨有口而與知縣高迂相訐奏詞連  
巡按清軍諸御史布按二司官而勘事者給事中郎中至  
而獄久不決而決于副使而湯珎高迂皆免官罪其在福  
建凡七年而邵縣吏以法問罷及所聽斷平反者又甚多  
亦不尽書亦書其大者如此副使嘗蒞福寧道而三年不  
代者蓋唯其人僉事王公寅自請代之代之而神形瘁矣  
問下人曰我孰與韓使居下人曰先忝願韓使居微聞暇  
耳僉事投筆笑曰幸甚誠如是足矣邦人聞之曰往年布  
政與副使分治雙門何也而才智弗逮也慙憤病幾死乃

今僉事來代副使乃又殊瘦矣其後僉事至工部侍郎終  
畏付使巡按御史四人者相繼論薦不次擢用吏部亦屢  
擬按察使皆不果尋以母喪去歸會朝覲黜陟幽明而給  
事中許某者嘗以奉人授徒按察司滋為姦利付使聞之  
立叱出使去有此隙乃藉鄧太監言受盜金事劾罷副使  
後十餘年而黃君河清者亦閩人在吏部復薦起副使又  
不果而副使之子邦奇為吏部主事陟封中憲大夫云而  
十餘年正德己卯四月二十一日以疾卒所與識者遠邇  
嗟歎皆曰傷乎蓮峰先生已矣流涕者其葬則是年七月  
十八日蓋壽六十八歲先生為郎中時得贈其父顯如子

官母張氏封太宜人而太宜人之貞節則又嘗被旌也先生傷贈君之弗逮也而所以事太宜人者蓋甚至太宜人病嘗失明鑿藥无所不至致不愈先生夜々籲天為祝拜甚苦一日有醫從外来自言我能愈請鍼之鍼之果愈已忽不見蓋神醫云此与墮冰而神挾出者皆世俗耳目不聞睹甚怪異希有之事播紳學士亦徃々所不道然先生之真節正氣動天地昭日月格鬼神固宜有之乃独不幸而為人所纒沮擯斥老岩石死不寃其用斯固烈夫志士所為痛心而益腕長太息焉至其妻僉事員外郎皆以直廢銘曰 韓以国氏肇自叔虞其来徐々馮翊是居於維

遐哉鬚公三子羅世如燬二叔辟地伯氏棲上伯有曾孫  
桓其武翱翔于元金牌萬戶之裔五世知名贈君個儻  
莫我敢陵八齡剖圭豁虎辟蜂竭力所天輸儲于公於維  
烈哉贈君造謝其澤孔覃忠孝之委先生是堪先生哉  
萬夫之望孰搆爾終以蹶爾行爾後奕奕既熾而昌於維  
丕哉大以年北在河之懷蔚為茂林先生之汗於維人尚式  
旃哉

浙江

明故四川按察司副使張公墓誌銘

張邦奇

公諱曷字仲明別號棟莊主人又曰寓菴姓張氏曾太考  
諱延良贈江西道監察御史太考諱楷官至都察院右僉  
都御史博學善詩文嘗奉命經畧東南卒魏巨寇功著國  
史考諱應麟亦以詩鳴從軍三陟有功授寧波衛後所鎮  
撫母虞氏封孺人公世居慈溪逮都憲公始卜居鄞城平  
橋之南公生有奇質貌古而性剛自為郡學弟子負已侃  
侃然能自樹立成化戊子舉於鄉壬辰登進士第授知鉛  
山縣勵心勤心事求利民所立規條簡便有法越數十年  
不能易有巫能役鬼物呪咀殺人立有徵應一時咸畏事

恐後公擒至庭榜笞百數卒無所傷夕而大風揚沙石蔽  
天逸屋錚錚若鈴索聲衆益駭懼以為果神人也籍：請  
釋巫公弗顧卒致之死縣城南有溝西洋廟頰現靈祐旁  
郡男婦相率祈禱充斥道路公惡之毀棄神像壙厥殿宇  
置便民倉焉而併撤淫祠數十以葺公廨移文道路告諭  
以禮秩滿擢南京監察御史糾劾不避權要譽傾一時威  
寧伯王鈇挾其武功偕保國公朱永太監汪直兵部尚書  
陳誼將挑釁北邊公曰是為國家害不小抗章劾之詞連  
內閣司禮由是內外大臣皆啣之未發也會守備南京太  
監蔣琮聞公名求見不許且劾琮鬻放軍伍琮乃誣奏公

擅作威禮遂左遷南京通政司經歷久之魏國公以薦轉  
四川按察司僉事查理鹽法蜀中鹽利最饒先是理鹽者  
率以賄敗公搜剔敝蠹一新以法有都指揮使陳某富而  
無子惟女婚一人嘗接一處子匿其家事覺墜之河以絕  
踪死者之父訴于巡按御史且請必屬公治之御史曰是  
理鹽法不得與獄訟其人曰陳都司家貲黃金至十餘鉅  
萬非張憲僉孰能不為利啗洗小人寃邪乃移公按問一  
訊情踪且得而御史卒通厚賄撓公數四不得則別委官  
推之竟移坐其婚之僕云公既磊砢不能與世合再疏乞  
致仕不允而遷公副使守備建昌黎州尋慶時同事馬太

監信用術士周慧以其善燒煉黃白將進之朝公聞而驚  
曰是唐之柳必也即擒慧置獄而劾馬之妄事乃獲寢公  
猶錮慧極邊以杜後釁居歲餘度終不能容於時乃知陶  
潛歸去來辭引疾歸老於四明之棟莊時年甫六十也環  
堵蕭然出入不能備騎從家人糠糲或不贍而起然容與  
日事經史自娛嘗歲大侵大臣賑饑浙東聞公寔甚遺五  
十金堅拒弗受辭受進退一視諸義而不少顧慮利害禍  
福存亡得喪不待解遣而自不能膠其中雖於俗不肖苟  
同而對衆坦坦不為畛防胃懷如清水英玉不可點染其  
表姪憲副余君本每侍公未嘗不勗以道義病既殆猶張

目謂曰努力哉乃今人才知自勵者少若能扶樹一日是  
培國家元氣一日蓋立身為國之心至死不亂嗚呼豈不  
英偉卓絕大丈夫哉聞公之在孕也其母虞氏孺人夢啓  
明入懷北在襁褓每見此星則指而索之不得輒啼泣不  
已孺人以赤帛搏若星狀與之則喜而嬉笑嗚呼其信然  
乎哉嶽降星隕古固有之不然何為矯矯然與衆異也家  
居十有八年自公事外足不踐公室然守令賢者每加敬  
礼于公今邑宰丁侯實捐俸焉公生正統癸亥九月二十  
寅時卒正德庚辰九月二十七日子時享年七十有八配  
杜氏封孺人宋祁國公之後封戶科給事中通渭教諭諱

謨之長女夙著賢行實贊公志生正德乙丑九月八日丑  
時卒正德丙子三月二十五日丑時殯於堂六年矣至是  
以辛巳七月某日偕公塋西山祖塋之次子九人長汝蓮  
襲鎮撫職娶毛氏次汝芝汝芹俱早卒汝騰娶王氏汝玉  
亦早卒皆杜出汝薜娶陳氏汝葵娶周氏汝蔚汝蔚尚幼  
皆庶出女三人長汝英適太平知府陸公坡之子信次汝  
莊適新昌工部侍郎俞公深之子 川適丘甫孫男三  
人長承宗襲鎮撫職次承寵承宣曾孫二人仁一仁二所  
著有寤思錄棟莊稿若干卷藏于家憲副徐君以公平生  
異政殊行不可殫紀乃述其大者為狀塋有日汝騰昆弟

以狀來請銘曰長庚墮精明山陽矯之奇質百鍊鋼鑄為  
鏌鋇與干將雜礪一日高騰翔後者莫曳前莫當剖如霹  
靂驚大荒株蔓斬截鬼魅藏擊排未竟先括囊銛鋒銳鏗  
終難蕩凜之英風時簸揚靡波顧沅爭激昂脂膏百歲營  
腹腸飲氣低眉奚所望吁嗟浮世駒隙光豹死亦自留文  
章公今化去歸西岡壁立岡頭千仞長精揮不物皆淪亡  
烟烟千秋牛斗傍

浙江



廣東等處提刑按察司副使餘姚毛公傳

四明楊守陳撰

毛宗吉餘姚人也名吉自少攻文學尚氣義言論侃々不  
少屈舉進士授刑部廣東司主事嚴明廉鯁訊囚多立驗  
權貴無敢撓之苞苴雖半號一縷必峻却山東人有居京  
者女婦婚反目令女逸匿之山東因誣壻殺其女權嬖右  
之壻誣狀坐死獄嘗讞已更數司閱數歲適宗吉讞其情  
密訪女獲之壻乃免一部推輒京城姦民有晝竊人家貨  
賄謾途人剪其囊者諺呼為小李宗吉捕得其魁箠死之  
其黨稍戢錦衣衛卒道百司鈎撫傳致書片楮以聞輒報

可至有被誣坐卒者公卿皆重足待之干請必徇然或犯  
罪例入廣東司莫敢孰何宗吉獨法治之如他犯指揮門  
達帖寵擅威福能生死人在俄頃百官遇之途皆躍馬避  
恐後吉宗獨與舉鞭抗揖於是皆御之偵其過百方無所  
獲一日宗吉以失朝下錦衣獄衛卒群吠脅之宗吉徐曰  
有國法有在爾曹柰我何達聞益怒嗾健卒掄巨挺見  
骨幾死猶行自得瘵數月方愈人語之盍少貶徇俗宗  
吉笑不應復戢一如故與論賢之名聲籍甚陞廣東按察  
司僉事分巡湖惠二府黜墨吏權強宗殄海寇民用寧輯  
期滿代還民乞更巡一載從之劇賊楊輝據程鄉縣之寶

龍峒其黨魯王謝堃分據石坑龍歸二峒四出剽虜刻期  
攻縣治宗吉曰先人能奪人之心亟調官軍集民壯僅七  
百人倍道馳至石坑賊三千人出拒宗吉定計令兵佯退  
以致賊躍而進乃督兵殊死戰良久麾兵伏起遂克之縛  
魯玉明王乘勝破龍歸擒謝堃又明日攻寶龍賊伏山上  
篁竹間發弩矢我軍沮深谷弗克進宗吉及簡敢死士百  
人人懷十石子從間道舉籬陟篁竹後役石子亂擊之楊  
輝殪餘衆驚潰凡破三峒斬首五百級俘六千人獲白金  
八千餘兩他物稱是功奏未報時廣西蠻賊滋蔓高雷廉  
三府尤苦之衆推宗吉徃巡道路榛塞村落為墟數百里

無人烟攬轡四顧悲且憤慨然有削平禍亂之志至廬州  
內官監珠池者方擊民數十人徵賄箠擊幾死宗吉嘆曰  
民幸不死于賊者又死于此何忍也遂盡釋之凡黨內官  
者悉寘之法衆口稱快至雷州報賊劫大體村遽檄都指  
揮石鼎出擊石鼎懦不敢吉宗素知海康縣知縣王麒忠勇  
勇可任即命麒率民壯偕擊賊走之斬首數百級奪還人  
畜無筭賊入吳川縣分為三其一由水道宗吉覘知復命  
麒舟兵追破之其二間風潰去相戒勿犯自是部內稍寧  
因條平賊方略奏之上嘉嘆陞本司副使降勅獎諭委總  
廣東軍務宗吉亦感激恩報以減賊為己任為州河原縣

告急即兼程進兵敗之舖前又敗之長峯徑口賊遁至清  
遠縣守將都督僉事張遇之北戰宗吉亟進援賊見其懾  
呼曰毛家軍來矣遂奔潰凡斬首三百級奪還人畜數千  
踰日廣州新會縣告急宗吉提兵至火燈斬賊有數十級  
賊遁入陽江縣營于雲岫山仕峒我師夕至此明擊敗之  
賊棄營走山上師徂勝穴入其營陣亂賊乘之剽殺前驅  
潘百戶哨措揮鬪垂師遂潰宗吉勒馬持刀大呼曰劄住  
劄住潰已不可遏從騎勸宗吉退避宗吉叱曰爾去吾誓  
不與此賊皆生益奮而前禪砍賊不已力屈被害成化元  
年三月一日也是日晝晦烈風雷雨大作山谷皆震動踰


七日得屍貌猶若生襯還官吏士民吊哭祭真相屬事聞  
贈通議大夫廣東按察司按察使遣廷臣諭祭賜其家米  
四十斛布四十疋錄其子科為國子生論曰嗚呼兩廣之  
毒一何酷耶自昔任邊事者賊至偽不聞聞亦不往亦  
不戰亦不力甚者十餘賊驅子女數百過城下亦莫肯以  
一矢相加遺人以告則詭冀之賊去乃始耀兵入墟落殺  
掠齊民以為功王師兩征猶踵其故智權貴右之濫封溢  
賞不吝也朝奏捷夕告急不詰也陷城棄師失律之將不  
戮也非誨之縱賊殘民耶亦無異乎毒之酷夫獨一宗吉  
如兩廣何人孰不死而宗吉声光將與日星照終古彼偷

生倖富貴者竟何如哉竟何如哉

浙江圖書館

如兩廣何人孰不死而宗吉聲光將與日月星照終古孤倫

浙江圖書館



浙江圖書館

山西吳剛安察司判更改士朱公墓表

吳寬

山西提刑按察司副使致仕朱公墓表

吳寬

弘治十一年十月二十四日山西提刑按察司副使致仕  
朱公年八十三而終公有子恩仕於朝為刑部郎中持  
制服將歸欲得墓文葬其寮友顧居太寧輩偕來以請予  
與恩以同鄉故相過從之久不能違也恩既歸始以江西  
布政使葉公所為狀託其友太僕少卿劉君來致其意曰  
公塋期迫矣待此以刻乃親其狀叙之朱故通許人也當  
宋中世之亂從駕南渡以松江地僻可避兵難始擇華亭  
之七寶鎮家焉曾祖道華祖士清父慎恒植恒娶陸氏生  
公諱某字某別號鈍菴幼有高資總角能賦詩有奇句稍

長益善記覽入府學為弟子時廬陵孫先生掌教事適周  
文襄公以巡撫至而提學御史為彭公二公問弟子之穎  
敏者孫先生首以公對試之果然公初習春秋孫先生深  
於詩者更授以詩甫三月即通其義正統三年遂登應天  
府鄉奉及還其父適自廬能成所歸父子相見甚歡未幾  
公當赴禮部試曰吾常以親寓遠方不得日侍左右為恨  
今復忍遠乎竟不赴又十年始登進士第明年授陝西  
道監察御史時有北虜之變京師戒嚴 朝廷命諸將悉  
兵徃禦公以御史入軍中紀功臨行語其妻王氏曰吾今  
不能顧家矣汝亟歸奉吾親吾惟知有王事而已即日戎

服就道諭諸將士以當奮勇死難之義衆皆感激三日虜  
知有備而遁有 詔班師蒙宴賚甚厚京師既無事公奉  
旨出巡應天等六郡有知太平縣白王者連娼中貴怙勢  
為害公廉得其事即按以法一時奸貪斂跡屬吏肅然於  
是周文襄公與公猶同行郡稱歎不已歲滿代還都御史  
陳公鎰知其才俾掌三法司事俄丁內艱服擢山西僉事  
屬吏有不法者聞風而去尤累平反寃獄再清軍伍明恕  
不苛無隱沒誣枉之弊才名益起凡分巡官缺公輒兼領  
其事一日至大同有中貴親幸者入其境上下驚駭莫知  
所為公出郊迎之與語其人竟斂威而去值大雪欲射獵

為樂公曰軍士凍餒不堪必有死者况道滑不便馳逐獨不自愛乎遂止一時邊人不至驚擾者公之力也再丁外艱服除復任山西人多為公不樂而公處之自如成化五年始擢副使又二年慨然上章請老年五十五耳人勸之不顧歸與親友倘佯園池間賦詩飲酒相娛樂每以善言訓戒子孫宗族所以力學治家之道延師儒於塾鄰里子弟有願學者皆未受業後多有成材者自少無兄弟惟一姊與其夫俱蚤世遺孤子女四人悉為嫁娶且與治田宅不使失所他所周卹人者尤多公自登甲科受官幾五十年而致仕家居者幾三十年中間用其子即中秩滿進階

中議大夫贊治尹其配王氏初以公貴封孺人後進封恭  
人長公一歲與公相處幾六十年今尚無恙有六男子長  
即恩次慈先卒次憲府學生次恕次志豐城候府教讀次  
愈二女子長適義官姜佑次適士人梅亨孫男十二言詔  
誥謨諫訓訪諮警諤詠諷女九予觀公之生既躋高壽可  
謂少矣若夫婦偕老尤少者至於子孫之多多而又貴以  
繼其世此又不少乎故宋氏之盛特為鄉人之所稱慕抑  
非公之德曷足以致之是豈偶然也哉然予又有聞焉當  
國初其祖士清為邑烏溪大姓趙惠卿贅壻趙以富豪於  
一方士清逆知其家必罹法禁出居外以避之後竟保其

家人莫不賢智之噫此朱氏之所以有公而公所以有今日也歟因繫之以告其後人公之葬在邑錦澳西先塋之次葬之日則卒之明年九月十三日也

浙江圖書館

山東按察司副使李公墓碑

公諱惟聰字自愚河南杞人也生而異狀碩首豐背厚面  
腰腹方濶身長七尺力牽千斤望之屹然躍馬擊劍儼  
捷如俠士性質氣猛趨義若奔甘淡服勤避污如不及少  
習朱氏詩夜誦畢則入室空習劍懸枕作壘為攻擊之狀  
讀古兵法有妙悟成化乙酉奉于鄉後屢上春宮或獨行  
无僕荷杖跨驢惡少駭散丙午選邳州知州河漭荒田公  
相地勢之宜走濼開渠抽棘辟畝歲入倍常流民復業蝗  
不至境上官驗而稱之弘治壬子河決黃陵沿河大夫刘  
忠宣取公供事河久未塞公忽悟卷婦法盖先於岸上作

臺後密置刃木於下背環繫索臺上作埽堅築之長七十丈高二丈乃抽水下埽於水其激流則并下二埽又以草束土密其隙河則東注不溢作堤延袤六百里公以四十日成均分合土毋敢買侏奏功晉工部都水郎中改繕部采木湖南庾申北虜大入寇大同兵敗死晉公山西按察副使大同兵備公比伍閱精十抽一拔制兵長短互用馬步錯行因藝執噐不強未能挑牌防矢戟車立藩畫則治武夜則固壘旗鼓號令聽聞相辨自率三千與同辛苦又修邊城續漸剡複外曰大邊內曰小邊皆十里一壑中舍小壑成三大壑守兵五十人小亦得半由是士躍馬騰烽

燧不奉又三年改山東副使管遼陽屯田又悉究其病源  
措奪權貴皆受約束並以廢田益市牛耕鑄鐔鋤耩給  
農之弗能自具者丁壯興厲歲益田若干頃造冊送府恐  
防射沒皆公自畫疆界手筭尺寸又欲做古井田溝遂畝  
澮暇則便耕作驚則阻馳驟值改官不果正德丙寅又以  
急命往宣府飭兵虜畏而不敢至公年七十致仕杞人陳  
子乙曰公之善兵備也有四德焉誠使人樂死也義使人  
生勇也明斷使人不貳也清儉使人息競也公好農居常  
出入阡陌時力美稼仕則舉而施之不治賁現不務苟成  
懇、截、既竭力績惡闖人之毒民每却漁取治河時李

興列其名受上賞固求削之在遼東抑沮朱秀乃賄逆瑾

矯命下詔獄罰五百粟輸大同公之子倬暨其三弟俱

從公出戰編行伍間倬以勇力好義上官令督盜河南擒

獲其略可載之史倬子璧奉進士淳實能文將大李氏之

積而蘊者詞曰唐士三足宣國宏猶惟食惟兵惟才則修

修食伊何服功猷畝菘溉既時穫積孔阜修兵伊何飭度

于戎款勇可賈惟餼是充毅先生我南杞經畧風成

章句實鄙治經猷策際秋明良載予伏劍克彼陸梁辟田

種杭隄障陂藪濺者惠尚傳民口引長接短肅墜流行

翼者律何戰不藏於維李公厥才孔有為國長城為民

慈母拂衣歸未彈鋏長歌河濱釣石塞上干戈土墻及肩  
糲餐入口試吐厥奇填茲宇宙銑也先公及公同升惟公  
雄名聞自過庭銑晚入朝公孫作友文茲玄后期垂永久

浙江圖書



浙江圖書館

李情

江西副使贈按察使

睦穆

李情字宗善靈寶人也弘治六年進士授監察御史彈劾  
不避寵戚擢湖廣按察僉事改山東風裁益著逆瑾擿其  
失謫其驛丞瑾誅復僉事陞江西副使正德八年情以兵  
備守萬年初賊黨胡念二等陽從撫實懷異志雖設縣分  
司以羈縻而賊視官若無所置吏胥又多賊黨以故司府  
勤怠必聞是年八月提督軍務總兵李鑑卒于師念二等  
乘夜火縱焚燒公私廨宇殆盡遂投情及饒州府照磨馬  
驄吏卒死者甚多上聞震怒命右督都劉錕代鑑帥所  
部兵勦之明年盜平情贈江西按察使錄子一人為國子

生驄尉氏人以公役至萬年故過難云

浙江圖書館

明故廣西按察使副使致仕進階中議大夫贊治尹

劉公行狀

館

李東陽撰

公劉姓諱仁宅字廣居其先山東東平州人宋南渡有都  
統制諱寶者從岳武穆兵鄂間始居華容大父諱必弘考  
諱行簡贈監察御史妣周氏封孺人公生八歲日誦數千  
百言年十五能屬文補縣學生永樂庚子舉湖廣鄉薦卒  
業國子正統丙辰拜江西瑞昌知縣躬省田畝教其民始  
作織事深山中流民千餘家邏者往索賂不得與鬪不  
勝則妄言民反有司議兵事急甚檄公先往公單騎至山

口招之民喜曰劉知縣至矣爭出自辨公反命曰無他請  
以身保兵遂息九江屯兵多侵暴土著公嚴立條令執其  
尤者一人杖殺之皆相戒不敢犯赤潮河泊所屢涉侵盜  
民困徵納多竄死公二疏請蠲其宿負若干而更始之瑞  
昌舊額荻課歲數十萬而非其產每轉易他所費數倍公  
請以所請粟薪代納民稍其便庚申歲大旱公禱于神大  
雨浹邑畫境而止人甚異之辛酉述職京師廷選為浙江  
道監察御史未幾以母憂去廬墓三年服闋調南京四川  
道奉勅治南畿盜地用大寧己巳詔大臣舉可領諸  
道邊務者公擢廣西按察副使時嶺賊蜂起柳慶路絕有

道遠務者公擢廣西按察副使時嶺賊盜起於廣

司無敢議行者公率先藩閩撫順誅逆群黨乃平景泰辛

未守潯州都指揮黃竑殺其異母元思明知府崗及其家

七百人以滅口公與叅政魯公館

迹竑乃使人持千金二公書平驛其舍且約事定後

其子當得府政則盡輸其而父子各擁兵數

萬于外以相挾撓聲勢陽許之乃留魯公于

潯為約而去至竑

公亦誘請執竑于潯窮感乃陰遣人上系

師造姦謀以激恩且進位都督既益橫

乃使人捃摭事公亦上疏自陳事下

浙江圖書

有司未報公

初

今上既復儲位竑飲

政

皆伏誅有勸公出者

公亦不應成化戊子以

立夏

恩授誥命進階中議大

夫贊治尹丙申五月二十一日卒年八十有一配嚴氏封

恭人有賢行子三人長大中義官孝友克家娶張氏繼營

氏次大夏以解元舉進士翰林庶吉士歷兵部車駕職方

郎中才諳識操蔚為特望娶呂氏繼傅氏皆安人次大奇

縣學生娶毛氏女二人長適縣孝生黎瀟次適舉人黎民

政孫男五祖生祖震祖謙祖巽祖頤孫女三長適縣孝生

王寅之某年月日葬公于某山公質直沈慤不事矯飾述

職時揚文定公在內閣同鄉者皆往見贄奉甚厚文定弗  
悅公獨後往且用禮贄甚見嘉獎為御史文定嘗過其家  
徑造卧內見其服用簡朴歎曰真御史也公去瑞昌三十  
餘年大夏奉使過潯陽有父老數十人拜而告曰某等皆  
尊公所 民也故來見君乃述公舊政數十事且問公齒  
貌居起狀皆南望恧恧感慕泣下云竊推公之盛德美政  
卓卓在人耳目宜刻之金石以詔後世而東陽于職 君  
為知己聞公事為詳乃狀其一

浙二以備來



浙江圖書館

封中憲大夫太常寺少卿前陝西按察司副使劉公

墓誌銘

李東陽

封中憲大夫太常寺少卿劉公約之文恭公之子也舉進士歷大理寺右寺副累遷右寺丞出補延平府同知進漳州知府擢陝西按察司副使歸及其子祭為尚寶司卿陞階從四品以考績例得誥進公今階今天子登極公以致仕恩當復進階而祭以東宮正字恩進今官以兩宮尊號恩當復給誥則又以移封例回所得誥封公為今官命已至而公卒朝廷遣官諭祭如例而特勅有司治塋事蓋公以世業繼顯科為要官蹉跎中道久弗大振

而晚歲遭際皆竒特出常格如此云公瀚約之其字別號  
樗庵先世本汴人宋南渡有為黃州統領者徙建康後有  
諱順者權茶平江路遂居長州高祖諱元善元善集義兵  
保障其鄉曾祖諱德讓國初為沛縣儒孝教諭祖諱仲  
興贈中書舍人考諱鉉累官翰林學士國子祭酒詹事府  
少詹事贈禮部左侍郎以學行聞于時文恭其賜謚也  
公少為蘇州府學生景泰庚午領南畿鄉貢卒國子業有  
名其舉進士在順天丁丑試政禮部領詔至揚州府府  
餽金二錠公峻拒拂納列郡皆相戒勿餽縉紳繪却會圖  
賦詩頌之其為大理在天順成化間讞駁詳慎嘗奉勅

錄京畿及江西重獄平反四百餘人出賑河澗府飢民籍  
名給粟者十五萬其為同知八年專理戎籍多所釐政鄰  
郡數懇訟者踵相沓為知府得專制鉏強抑暴民甚安之  
部使旌于朝章至八九上為副使益持憲體會遠徼多事  
督餉不乏資望日積而遽致事以去西安府餽金為贖却  
之曰不聞致仕與在任同邪時弘治己酉也居鄉十七年  
足不至公室歲鄉飲有司禮為大賓其于生服履孝義與  
人交際無諛詞妄語精比達政體善古文歌詩而終身不  
自伐續未屬呼諸子孫至前連舉孝弟忠信四字訓之猶  
懇、不置其卒以乙丑十二月二十二日壽八十有一矣

配吳氏有內行先公二十餘年卒累贈恭人子男十一榮  
長也為中書舍人直內閣預經筵國史事以慎敏稱次  
榮義官次霖棊榮承秉其恭泉泉榮茶秉泉皆儒學生棊承  
其皆比卒女十其婚為前錦衣衛指揮徐世良國子生李  
珣吳奎義官李琦河間府通判李熾醫士施璧士人張某  
李某鴻臚寺序班徐元菽儒學生張文貞孫男八孫女十  
三初吳恭人塋于武丘鄉袁巷村先墓公卒之明年為正  
德丙寅某月某日塋焉公之歸舊業未拓榮分所得俸為  
養每歆掃者不可得此卒乃奉吳編修南夫狀請予銘禮  
也吏部侍郎王公濟之方修郡誌列公名宦當籍是以傳

銘惡是恃哉銘曰

儒臣之子為刑法家內守外臺厥績孔嘉理同事殊父有  
遺教其所為教維甲科是給亦有遺息非我自取所弗取  
維以遺我後為詞及翰亦詎非孺還以錫予其祖風之餘  
乎

浙江圖



浙江圖書館

明進亞中大夫致四川按察司副使事東山黃公易

齋汗表

林俊

易齋黃公熒敦實既瑩樂立自誌之又屬意其友林俊表  
焉呼嗚是俗所深諱而不欲言者况豫之耶夫生寄死歸  
達者所易視而諱者未之竟免也死生亦大矣任情死生  
於仕止得喪何如耶公初以成化壬辰進士尹玉山起為  
南京監察御史偃 抑抑 下予意新臺過矯屈為是何  
也公丁先御史南澗憂服除改比臺奉 璽書巡長蘆巖  
司迤北漕道四川雲南貴州戎政酬接間都周詳商畧無  
經斷語私服克養之素官六察殆非宜然也既之偽者奪

燥者息陰賊慘狠而激訐者消沮聲迹泯然事緩急竒辨  
固有以孚而移之前後論列事為多官賢否治得失十餘  
事尤荷我 孝宗敬皇帝嘉納公固不察察人細過固持  
其大也在雲南有趙都晟者驕悍不可馴獨帖帖憚公巨  
璫遺財當事者避餘烈公從容一語覈其數非剛而善用  
能之乎夫豎目張聲噓之大罵凜然若生風臨小利害輒  
隱忍循默猶自謂老成得重厚體然乎孔子觀見公南臺  
及雲貴時事道玉山又得公之流澤故政嗚呼今之官如  
傳舍謂一令三十猶有存記如許耶公為四川按察副使  
能望隆起顯叙方有階入 賀過家拜母林太孺人眠食

無異然已八十而九公曰自惡而致其情哉遂疏致其事  
所以致悅太孺人者織巨曲至又四年太孺人年九十二  
方終公擗踊欲絕是日鳥百數遶屋悲鳴不謂事適爾如  
是公善事前母兄友于二弟教子琳琅琛孫某其曾孫某  
皆士業琳詔誥皆庠生念願孺人同甘苦既卒竟不復娶  
惟側室栢氏自隨令逸願以合願栢之位其兆因南澗  
之東北所謂高士岡者初正統庚申太孺人夢虛空中紫  
衣人呼授以物以衣承之得鶴雛是歲臘月十有八日生  
公鑿形者謂之鶴相冠帶衣履書畫百物精緻虔潔居宇  
絕一塵瓦老槩五松居士人謂得鶴之性搏空聞天大槩

近之而齊高諸極鶴之類率不能齊獨公乎哉表曰百羽  
品流鶴居鳳凰之次聖人在位鶴與鳳凰翔于甸蓋清也  
而示時也群鳥宜無及焉易齋明心藻質歛舒自由不默  
點于群污以超乎群物之上嗚呼觀夫動則賢可知矣

浙江圖

中憲大夫雲南按察副使致仕朱公墓誌銘

朱之先系出唐孝友先生仁軌宋有兵部郎中實與丞相  
杜祁公游所謂睢陽五老者也五傳至直秘閣子榮稚年  
遭亂南奔始家吳之常熟直閣生實錄院修撰大有徙家  
吳城又三世為征東儒學提舉德潤有盛名於元是為公  
之高祖曾祖吉 皇戶科給事中以直言被旌迂湖廣按  
察司僉事 召為中書舍始從崑山祖永安考夏皆隱君  
教授考以公賢贈監察御史公諱文字天詔自幼超穎迥  
出輩流游郡庠部使者程校藝業輒為首冠舉於鄉輒不  
利成化丁酉年三十有二始占南畿鄉試甲辰登進士第

公初治詩已乃改治春秋又改治易治易未三年遂登第  
士流服其敏弘治庚戌授雲南道監察御史出按兩廣戎  
籍凡理戎籍例以搜括隱匿多寡為殿最蒞其任者率以  
黜烈為名公在兩廣獨特平不苛而稽審有法民一言出  
口洞燭顛末蚩斯歸戎籍退无愆言巡按福建風裁整肅  
衆謂得御史體魏都御史富林副使俊移疾家居咸奏起  
之時公秘殫屈因計无所出而鎮守死者貸財巨萬輒既  
於群小會福建鎮守陳道死公乃籍其數以聞莫可佐  
公帑之乏詔不從是後鎮守死御史不得復預權貴者  
始忌之也田故有額而隱占于奸氓歲久漫不可考公至

湖廣則許民自首不究切之或得業已久則輸稅而不奪  
其業民見公明信率詣官首實公為政虽若嚴峻而每出  
于平恕聞有吳甲治海船商乙以市外蕃感坐死公曰甲  
造舟而未嘗市蕃乙市蕃而舟非所製得減死其他冤獄  
尤多所平反政声流聞法當迁秩上官有不悅者署其考  
為才力不及久之改雲南公曰尚可仕乎遂上疏乞致仕  
時 國法方峻人為公危之公不顧卒得 旨允居官幾  
三十年公私无纖毫過差權門要路虽旧與連未嘗一言  
自通人有德公者寓書當道薦進公知之即还其書不違  
曰吾豈可自售也尤善論古今成敗能辨博濟其議往

屈人於廣坐之中予與交幾四十年備其博重其廉且守  
而獨疑其過于警拔不虞乃以不及沮于時銓鑒者其獨  
謂何物論所以至今不厭者也公以正德六年三月二十  
八日卒春秋六十有八七年二月二十一日葬吳縣陽抱  
山之先塋恭人王氏祔恭人工部右侍郎贈尚書永和之  
孫大理平事汝吳之女吳明貞淑鄉邦稱之大理元子館  
公于家子男六長希周恭人出注賜第一甲第一人及第  
今為翰林侍讀以學行聞于時次希召希韓希富希呂希  
馮女四孫男二女三公所著有宋右稿涉覽比事臆見雜  
錄若干卷藏于家銘曰

不溷其明不刳其方持其頑頑不與時當屏居優游不怨  
以尤嗟允君子胡不少留何以傳之刻在卑猶

浙江圖書館

浙江圖書館



浙江圖書館

廣東等處提刑按察司副使補齋丁公傳

莆田林俊撰

先生諱璣字玉夫丁姓潤州人宋叅知政事觀文殿學士  
文簡公之後大府鄉總轄華七世祖也祖寧彙建寧右衛  
經歷隱于鄉自號友陶是先生中書舍人元吉學行高古  
學者稱易洞先生先生服習庭訓凝永早悟慨然求道之  
志十歲屬文有趣向十八抗顏師席是歲領鄉薦又四年  
成化戊戌第進士乞假歸潤迎婦張氏明年還授中書舍  
人與同官烏傷王君文竝名古意王年長踰倍尊為益友  
吳文定公原博費侍郎公廷官皆夫人行禮若交陳石齋

公甫至京師先生曰接道論久而歎歎曰石齋克已功到  
其行學大類象山吾儒須內外動靜交養互發甲辰歲除  
星夜殞乙巳元日星晝殞但有聲先生應詔上封事極論  
治道本末時政得失反覆數千言大要以正心為根本教  
東宮振紀綱正風俗慎用人重名器蘇民困理財用饒兵  
備為急務未言方士釋老宜加痛絕疏入留守中群姦切  
齒伺之無分毫失久之以同官公過連逮出判普安公委  
北上次辰州聞憲廟訃三日不食孝廟嗣位起三原王公  
介庵為上宰公功業自劾聞先生至邀坐後咨訪竟日明  
日再邀不赴且言今日大本無急正君然非一人一日之

力宜早堅主上嚮道之志間進賢之路庶本正源清制治  
保邦可次第而舉言甚切直介庵受之欲引吏部屬焉忌  
者所沮僅判廣信未三年凡再上提學不果先生以易洞  
憂去位服闋即家授興國州知州居八月以錢孺人憂去  
位服闋倪文毅公當軸收拾名士即家起致仕僉事章公  
懋為南京國子祭酒先生為南京儀制郎中未四月遷廣  
按察司副使奉勅提督學校歲餘入學賀清遠山水暴漲  
舟且覆先生衣冠祝天度不免闔憲端坐與繼室陳氏二  
女丁氏伯子咸叔子尚季子啓一家十一人俱歿惟仲子  
同與一僕以他舟僅存嗚呼酷矣弘治癸酉三月十五日

也生天順丁丑五月十有九日先生德器充完涵養深粹  
圓運方晦含顯靜待動長不踰中人而信古任道有萬鈞  
之力崇正闢邪有萬夫之勇至於群笑衆譟不震不撓則  
一人有百鍊之剛有教孝天至伯叔無異財親喪骨立儀  
禮襲用無遺至身無完衣子女踰期無力為嫁娶噫亦難  
矣位署清局無事樞無言柄將欲一身任世責之重而  
還淳樸之風愛君憂國性真然也教人必先心身四方從  
學獲恒滿戶外先生必正容端坐澄心定氣使燥慮消息  
方與開講辨析疑義細入毫芒而文字正大不涉荒恠故  
門下之士成大名綸大魁青緋中外楚、馬嶺南教法以

厚倫為本格物窮理為務修身而達之天下為期假之數  
年文教可知也先生為政以風化為先而誠動之晉安夷  
首有贄禮將先飲以示無毒先生曰何不相信如是飲其  
酒却其贄夷酋感畏遵約束終先生在不專殺一人時輸  
納絕火堊歐治所授科目於是乎有人信有兄弟爭訟者  
先生而久而不決曰將使自感悔耳既而果然薊溪義勇  
以私隙誣隣民為盜斷其舌而行鬻其妻女隣斃獄中先  
生宿驛舍夢若聲寃狀誥且果得訴者一訊而服永豐銀  
冶群盜時竊發先生巡視解散同寅坐事先生為曲處乞  
印易牒獨執不從曰某平生惟辨此一片心事君果誰欺

耶其人久自悔服過事詳緩慎績不用為沽釣士君子恒  
信知者姓名時見薦剡王介庵對人必曰佳士佳士等長  
先生五歲始識之同年綢衆中委蛇暇豫德輝衆人自是  
屬心焉先生亦誤與可佐官姚安無復敢送者獨先生與  
楊公邃庵數君子致詩先生復徒步十許里為別則知己  
鬻馬為論列計矣予既復官先生亦就讀所龍閣邂逅因  
得拜易洞舟次益信先生所得之深又數年過澗則先生  
之廬不庇風雨予括囊僅助二金崩南之行僅助一公服  
又數年又過澗則先生之廬幾不可入矣或問先生儒而  
迂何至一第不治曰有之葦瓢陋巷顏子則然何至女子

二十六不嫁曰有之程氏孝女明道則然在士夫亦有吳  
議者曰有之閔道不識濂溪則然先生其猶幸于今之世  
無考亭之難處者抑儒運之衰一至此極而天亦有所陰  
佑於不獲已之間為承祧之地者先生號補齋所著有補  
齊集若干卷大學疑義一卷洪範正誤一卷四禮儀註若  
干卷中庸語孟易說未脫稿又欲繼朱子之志以儀禮為  
經禮記及諸終有及於禮者為傳而補以註疏未成書云  
贊曰儒學不傳得其門者或寡補齋蓋將有意焉冲澹渾  
融窮探力頤而志之所向不息不岐觀其行以事君誨人  
著論大畧可見已使得幸而及程朱之門淵源之續其殆

庶幾焉倉卒始水禍一信始得屍而衣冠端整殆所謂俟  
命之至確乎其不可亂者斯補齋之終也

浙江圖書館

明故中順大夫山東按察司副使王公墓誌銘

毛澄

弘治甲子夏四月二十五日山東憲副王公卒於海道之  
公寓于時東萊太守李公從質公同年也既為治其後事  
如禮復具公行狀請銘于予將刻諸石以畀公之子歸葬  
時予方謁告家居名奚可辭按狀公諱和字以節別號菴  
齋永平之選安人曾祖敬先祖斌皆有德不仕父政任巡  
檢以公貴贈文林郎四川道監察御史母張氏贈孺人公  
自幼器宇沉廓讀書輒能臆誦文林公喜曰興吾王氏者  
其在此與尋補郡學生同儕咸敬孫之成化甲午以詩薦

京闈戊戌登進士第明年出知館陶到官清慎自持不事  
詭隨布愛舉滯民咸戴之未幾以外艱去任丙午復除金  
壇金壇京口鉅邑也路要而務繁公蒞之加謹於昔不數  
年政譽卓著當道累以賢能疏于朝弘治辛亥被召理刑  
南京貴州道六閱月真拜本道御史巡視鳳陽倉場無何  
聞母喪守制乙卯起復留補四川道是年奉旨遼東巡按  
邊境肅然回浣掌道事午戌復按山西百度以振監臨文  
場是科號為得士還以資望復掌道事兼點視京營軍務  
甚持風紀嘗與同列上論朝政闕遺若天下大利病恒以  
身先之不少避曰職云何有所見而默默焉寧不自負且

負吾君耶物論多之辛酉陞山東按察副使奉勅巡察

海道近例駐節東萊而往來青登之境凡沿海諸營衛所咸歸督察不敢後第承平日久戎備寢弛而其率領間多自怙遐僻放易不規者公至一畫以法繩之簡飭邊防殆無遺盡癸亥冬青郡盜多攘宄為梗公已指麾分捕未戢遂涉寒蕪程躬往察之期擣其穴先聲所至嘯聚已散矣坐是感病猶彊力視事不輟疾劇乃卧蓐兩月竟不起悲夫距生正統戊辰十二月十三日享壽五十有七始公之病也李公率僚屬數往問焉其劇也日一問焉及其歿走哭焉皆盡哀遠近人士聞計多悼惜不已嗚呼何以得此於

人哉公天性純正質直持志弗變敬歷內外憲臺務存大  
 體蘭靜不撓獄訟審慎不罔稱究與人接謙洽任真不逆  
 不億自律嚴甚歿之日囊無資土無所新業亦可以識其  
 所存已娶撫寧高氏先卒再娶同邑馬氏封孺人子男三  
 長念中弘治辛酉順天鄉試其進未涯次俞次龠俱學業  
 有緒女四長適都察院副都御史劉聰子志季次聘漢中  
 同知李特子克次聘青州府知府杜原子梅次尚幼其長  
 女高氏出餘男女皆馬氏出也慈念等扶柩西歸卜以是  
 年某月某日葬于遷安城東羅林村祖塋之次銘曰  
 有車載晴亨途伊始胡坎之遭而僨厥執焚之寶劍鉛刀

孰肩神光弗闕射彼斗躔我弗寃施匪天我靳瞻彼廖廓  
有翼斯奮山環海擁式遄靈輻刻銘玄石其永是宣

浙江圖書館



浙江圖書館

貴州按察司副使陳公墓誌銘

王鏊

弘治十七年六月二日前貴州按察副使陳公卒十月四日辛酉葬吳山之上金原壽六十有六初公按江西有李都御史者與民爭水利積數年無敢決者公曰吾請決之盡以其地歸諸民李嘆之未發也久之公遷貴州李時為吏部考察見公名曰是陳某耶即泚筆抹去之物論諱然宣慰使宋然率軍民抗疏留之不報公罷歸吳中家且蕭然至粥書自給有司授天順詔例歲給米五石日與學者講解經義有感觸輒發於詩佔畢呻吟病咯血吟猶不上竟卒君諱琦字粹之大父諱某考諱茂封奉政大夫江

西按察司僉事陳之先本吳人以醫辟居京師公少占順  
天鄉試成化丙戌登進士授南京大寺寺副歷寺正江西  
按察僉事貴州按察副使公在官累辨疑獄廬陵有儒生  
夜過里人胡甲被殺官執胡胡自誣服公曰豈有殺人而  
自置于門者訊之則儒生有仇知其夜適胡也殺之胡得  
釋劇盜數十人為曹白晝標掠無禁公出令獲一人者賞  
若干縱其首厚過之乃得悉其巢穴掩捕立盡清戒御史  
大煽酷虐蔓引平民公爭之不得乃出理分道民悉自首  
實御史誣執二百餘家悉縱歸農比御史去民手瓦石擊  
之而為歌謠以頌公公所至興學獎士見常素有文行折

節下之負權勢者視之如無竟以是罷娶吳氏繼刑氏子  
房年始十二女適烏程縣學生嚴統銘曰  
噫嘻冷菴唯義之耽惠文峇峇孔允且直官誣名振孰云  
我貧我貧我安講道以哦於戲逝矣傷如之何

浙江圖

浙江



浙江圖書館

陝西按察司副使唐公墓誌銘

徐縉撰

公諱希介字景賢石其別號也世為太原之陽曲人景泰  
甲戌正月十有六日公生而穎悟絕倫三歲知字五歲知  
書十歲知為經義一時稱竒童云遊中丞貞菴陳公之門  
肆力探窵志在遠大不以程業拘也未冠補郡學生試輒  
高竒庚子舉於鄉為易魁丁未擢進士選授翰林庶吉士  
三年改工科給事中盡言責隨事建明直聲大振久之特  
被簡命稽宥真定竒四鎮儲備公躬親閱實盡得宿弊以  
聞於是權倖見嫉以他事中公謫四川石砭宣撫司經歷

萬里遠竄怡然就道既蒞任承檄署仁壽雙流二邑公不  
鄙夷其明植善鋤惡俗用丕變又檄視州茶政廉發私隱  
黠吏褫鬼稍遷漢陰縣令縣有鉅猾杜某作姦犯法持吏  
短長所居窟穴湍咀捕吏莫敢蹤跡公密設方畧擒而斃  
之繕完城郭百廢具興再遷知揚之通州州臨海有漁捕  
鹽泊之利盜劫出沒司檄巡者歲入其賄湯翁陰縱民賈  
交病公至揭賞購示以威信道望風散逸境內獲安河堤  
潰決撫臺檄公董治公內籌規畫外別勤情旬月之間嘉  
績亟成庚申擢按察司僉事督餉榆林邊吏有乾沒稽緩  
者公糾隱繩違軍餉不乏邊氓有爭田久訟者公兩隙其

侵怨仇立解時太學士石淙楊公總制邊務議增置茶布  
以贍軍賦公條荅便宜二十三事石淙公并施行之且貽  
書謝其歛重公知此未幾改四川僉事尋擢陝西按察司  
副使榆林兵備仍兼督餉公愛養士卒約束裨校戒秉肅  
睦邊威赫然軍府多贏積中官欲私取公執不可謹籍以  
備調發中官啣之搆諸逆瑾、矯、制建公三木長安市  
長子淇擊登聞鼓訴寃罰榆居庸米三百石復其官瑾猶  
公覬往謝公堅執不往乃嗾御史劾公不勝邊防重寄有  
詔著致士公天性高朗每懸帶自警然剛腸直氣教忤姦  
權禍且叵測而能屢折不撓完潔去就可以觀其人矣惜

乎宏財碩學未究厥施而官簿偃蹇竟止於是不亦道消  
之遺然乎晚節益事撝歛杜門掃軌娛意篇籍自奉儉素  
不隨俗華靡朝夕程課諸孫親為講解暇日賦詩著文頗  
見已志有石菴小稿藏于家非公會未嘗入州府雖姻黨  
不輕造統清介之操老而彌勁優游素粹越三十年春秋  
八十有五諸孫繼起科第食天之報大莖令終如公者可  
謂無憾矣

明故雲南按察副使邢君封孺人李氏合葬墓誌銘

羅玘

君邢氏諱纓字文甫以名故號濯菴當正德五年七月二十三日年五十八卒于雲南按察司蓋司副使也喪還黃梅訃至留都子刑科給事中寰祖括為位哭謀歸筮六年月日合封孺人葬縣孺人姓李氏諱妙媛年四十四當弘治八年七月初七日卒用權厝儀而石未誌爾乃序仁貴生士聰仕聰生贈知縣邊娶封太孺人周氏為其曾祖祖父母序孺人繼孺人操氏為妻序寰完案寵為子許完彬周湄陳晟吳瑄為女序進士長州知縣山東道監

察御史福建道監察御史及今官為官試戶部采 純皇  
逸事于河南清兩浙軍按陝西閱本院章奏為事誠縣積  
滯獄脫垂死囚覈逋租餓民民以不餓死浙部赤籍鏡輒  
蟣蠹可櫛西疆肅清為績白父寃壁立叛閹烈燭間三年  
為行序孺人父李 母 氏槩見于吏科給事中毛君之  
狀泣榛拜請曰孤父若母自是有聞乎繫公不聞乎亦繫  
公公銘不銘惟公予不覺亦泣謂曰狀若斯何畧也亦知  
大學士王公乎予與父而試丁未公在院夜得卷驚以為  
雄州士大奇之及名揭黃梅也出語人以其自黃梅赫然  
有名聲自是始群居予耳而父語當世及古籍自所效為

為文詞俯首渴飲恐日晏同河南事丁宗仁死無嗣丁氏  
以道遠難其喪之還一日喪忽至木美舊裝如去時闔室  
悲且訝僕曰一刑父之為士林義之間亦忿亦吾榜人獨  
高出者予奔先大夫喪所過城邑匿不與知舊接至長州  
曉舟方弛楫炊俄而呵從擁翼駐磯上炬影晃々中潁顏  
叱舟舟中人踣半道半予陞匿免怒去乃擢數置訊之置  
吏曰吾宰事每織跡其影而鉅跡其嚮胡避乎比三年會  
色猶弗憚今尚畏之在在陝當巡延延以鋒鏑為食飲會  
大閱以一矢興中的又以一矢射喉喉仆守臣連呼天生  
豪傑者三而予每過秦人曰真御史曰真御史而今過滇

人曰鐵面監司謂而父也。襃收泣謝曰：如公言，孤復何恨？  
又曰：先大夫蚤歲屢北，南宮歸，毋埽涂，備漿茗，賓至出飲  
之而已，而口禾及利鈍事，既祿食，損抑百需，以佐費廩餼。  
薪金常卻，入曰：公家得微，有急乎？公謂黃梅籍，先大夫出  
名聲而未知先大夫名聲，亦有所自出耶？又曰：先大夫垂  
生夕也，隣之叟夢羽衣金珮，薄吾室寢而驚走，告焉。先知  
縣君亦驚曰：吾窺見金甲神官，泣吾東寓已，而先大夫生。  
予曰：噫，異哉！哲人之生也，其卒也，奚宜禘銘而襃，又葬與  
禮合？予義兄弟等，奚宜斬銘銘曰：

天為降祥而生之，已誠之而已，顯而望之，然有資焉。若



潛也 不可以躡躡有內焉以相之又若嘉樹焉折而先萎  
 然遂止於斯則胡為而生之天子斯墳乎胡為



浙 江 圖 書 館



浙江圖書館





浙江圖書館



浙江圖書館



浙江圖書館

浙江圖書館善本

甲 登記號：006678

一九 年 月 日



浙江圖書館



















colorchecker CLASSIC



xrite



colorchecker CLASSIC



x-rite

100mm